

Ammasumik ataatsimiinnermi oqaluuserisassat:

- Imm. 1 Oqaluuserisassat akuersissutigineqarneri**
- Imm. 2 Allaffeqarfimmiik paasissutissiineq**
- Imm. 3.1 Teknikkeqarnermut Avatangiisinullu ataatsimiititaliamut septemberimut qaammammumut nalunaarusiaq – Ingerlatsinermi sanaartornermilu suliat**
- Imm. 3.2 2024-mi akigititat, Teknikkikkut ingerlartsineq Pilersuinerlu**
- Imm. 3.3 Imermut errortuutikumut maleruaqqusaq nutaaq imermillu errortuutikumut akiliisitsisalernissamik atuutsitsilerneq**
- Imm. 4.1 Sisimiuni aqqusernit atii nutaat tallimat**
- Imm. 6.1 Maniitsumi Atuarfik Kilaaseqqamik nutarsaanermut 2023-mi septemberimi killiffimmumut paasissutissiissut.**
- Imm. 8 Tamalaat**

Peqataasut:

Inuit Ataqtigiit

Nivi H. Eframsen

Siumut

Aqqalu Skifte
Barnabas Larsen

Naleraq

Nalunaaruteqarlutik peqataannngitsut:

Gedion Lyberth

Nalunaaruteqaratik peqataannngitsut:

Imm. 1 Oqaluuserisassat akuersissutigineqarneri

Akuerineqarput

Imm. 2 Allaffeqarfimmiik paasissutissiineq

Sisimiut

Pilersaarusiornermut pisortaq aamma Sanaartornermut pisortamik kingusinnerpaamik ukiortaamit inuttassarsiorneqassapput. Ukiulermat asfalterinerit unitsinneqarput.

Maniitsoq

- Koldasfaltilerineq suliarineqassaaq
- Bussit garageqarfissaanni koldlageritoqaq imaarneqarpoq.
- Eqqakkat nunaqarfimmiik apuunniartarnerat unammillernartoq.
- Aqqusineq Sarfat tungaanukartoq ingerlanneqarpoq.
- Kuuffissualerineq ingerlavoq, sila pissutigalugu kinguaattooqqalluni.
- Atammimmi inuusuttut inissiassaat decemberimi naammassineqarnissaat naatsorsuutigineqarpoq.

Imm. 3.1 Teknikkeqarnermut Avatangiisinullu ataatsimiititaliamut septemberimut qaammammut nalunaarusiaq – Ingerlatsinermi sanaartornermilu suliat

Journalnr. 06.01.02

2023-mi maajimut aningaasaqarnermut nalunaarusiaq 02-10-2023 tungaanut atuiffilersuilluni naatsorsugaavoq. Anillatsitsinnnera 29-09-2023-meersuuvoq.

Ingerlatsinermut kisitsit pingaarnerit

Teknikkeqarnermut Avatangiisinullu immikkoortortami ingerlatsinermut immikkoortortami ukiup qaammataanut siullernut tallimanut atuinnermut procenti 97,95 procentinik aningaasannorlugu 55.649.987 koruuninik takussutissiiuvoq. Ingerlatsinermut immikkoortumut akiligassiissutit suli akilerneqanngitsut 3 mio. koruuninik annertussuseqarput.

Level1	Bevilget Budget 2023	Omplaceringer 2023	Tillægsbevillinger 2023	Nyt Budget 2023	Forbrug 2023	Relativt Forbrugs 2023 %	M: Forbrugs %	M: Rest Budget for 2023	M: Prognose 2023	M: Budget MerForbrugs 2023
☐ Teknik Udvalg	66.896.416	307.513	8.547.016	75.750.945	55.649.987	97,95 %	73,46 %	20.100.958	74.199.982	-1.550.963
☐ Teknik Sisimiut	36.979.908	307.513	28.375	37.315.796	30.829.793	110,16 %	82,62 %	6.486.003	41.106.391	3.790.595
☐ Teknik Maniitsoq	19.971.376	0	1.090.511	21.061.887	16.326.823	103,36 %	77,52 %	4.735.064	21.769.097	707.210
☐ Brandvæsen	9.033.425	0	4.146.363	13.179.788	7.448.512	75,35 %	56,51 %	5.731.276	9.931.350	-3.248.438
☐ Anlægsafdeling	359.975		2.997.219	3.357.194	580.446	23,05 %	17,29 %	2.776.748	773.928	-2.583.266
☐ Planafdelingen	551.732		284.548	836.280	464.412	74,04 %	55,53 %	371.868	619.216	-217.064
Total	66.896.416	307.513	8.547.016	75.750.945	55.649.987	97,95 %	73,46 %	20.100.958	74.199.982	-1.550.963

Sisimiuni Maniitsumilu ingerlatsinermut immikkoortortat

Sisimiuni ingerlatsinermut immikkoortortami atuivallaarfiulluni atuinnermut procenti 110,16 procentimiippoq. Asfalterisueq aqqusinermi asfalterisuinerup kingorna, 2 mio. Koruuninik nuutsinikkut ilanngarneqartussa, atuivallaarfiuvoq. Eqqaavilerinnermit anartarfilerinnermillu insertingitsuukkat ilanngaartigigaanni atuinnermut procenti 105,86 procentimi inissisimavoq.

Level1	Bevilget Budget 2023	Omplaceringer 2023	Tillægsbevillinger 2023	Nyt Budget 2023	Forbrug 2023	Relativt Forbrugs 2023 %	M: Forbrugs %	M: Rest Budget for 2023	M: Prognose 2023	M: Budget MerForbrugs 2023
☐ Teknik Udvalg	36.979.908	307.513	28.375	37.315.796	30.829.793	110,16 %	82,62 %	6.486.003	41.106.391	3.790.595
☐ Teknik Sisimiut	36.979.908	307.513	28.375	37.315.796	30.829.793	110,16 %	82,62 %	6.486.003	41.106.391	3.790.595
☐ 562040800 - SIS Drift TEKNISK	27.808.920	-984.089	0	26.824.831	20.649.248	102,64 %	76,98 %	6.175.583	27.532.331	707.500
☐ 561010000 - SIS Teknik og Miljø Stab	7.191.625			7.191.625	5.786.330	107,28 %	80,46 %	1.405.295	7.715.106	523.481
☐ 562040300 - SIS Forbrændingsanlæg	2.454.012			2.454.012	2.829.226	153,72 %	115,29 %	-375.214	3.772.302	1.318.290
☐ 562040100 - SIS Brædtet - Qimatulivik		1.291.602		1.291.602	889.966	91,87 %	68,90 %	401.636	1.186.621	-104.981
☐ 562040901 - Sis Huse administreret af Teknik	308.550			308.550	10.378	4,48 %	3,36 %	298.172	13.837	-294.713
☐ 562040200 - SIS Entreprenørplads					61.211	Uendeligt	0,00 %	-61.211	81.615	81.615
☐ 562040700 - SIS Renovation	-783.199	0	28.375	-754.824	603.433	-106,59 %	-79,94 %	-1.358.257	804.578	1.559.402
Total	36.979.908	307.513	28.375	37.315.796	30.829.793	110,16 %	82,62 %	6.486.003	41.106.391	3.790.595

562040700 SIS Eqqagassalerineq/anartarfilerineq isertitani missingersuusionermit 1,5 missaanik annertuallaarpoq. Tamannalu ukiup naalernerani 1,5 mio. koruuninik nikingasitsissaaq.

Ikuallaavik atuiffik 562040300 annertulaartumik atuinnermut procenteqarluni 153,72 procentimiippoq aningaasanngorlugu ukiup naanerani 1,3 mio. koruuninik atuivallaarneq. Atuinerup procentiata qaffasinneranut 2022-mi decembarimit 2023-mi februaarimut pujoorfimmi unittoqqanermik patsiseqarpoq. Unittoorneq ungasianit kissamik tunisinnermut unittoqqanerullu ingerlanerani eqqakkanik nassiussuinnermut atatillugu isertitassaraluanik annaasaqarnermik malitseqarpoq. Allaffeqarfik ilassutitut aningaasaliissuteqartoqarnissaa pillugu suliamik suliaraqarnikuvoq, tassani oktoberip naaneranut isertitat naatsorsorneqareerpata, ilassutitut aningaasaliinissamik suliassaq naatsorsuutaasoq novemberimi saqqummiunneqarsinnaassaaq.

Oqimaatigiissitsinernut atatillugu kalaalimineerniarfinni tunisanit rekvisitioninut marloriarluni nuutsisoqarnikuvoq. Controllerit suleqatigalugit annertussusaa misissorneqarpoq, aamma naatsorsuutini iluarsisoqassaaq. Atuiffimmi tassani isertitanit iluarsisuteqartoqarsinnaanera naatsorsuutigineqarsinnaavoq taamaaliornikkullu kalaalimineerniarfimmuut naatsorsuutit eqqornerulissallutik.

Maniitsumi ingerlatsinnermut immikkoortumut atuinnermut procenti tamakkiisoq 103,45 procentimi inissisimavoq. Eqqaavilerinnermit anartarfilerinnermillu isertinngitsuukkat ilanngaaticigaanni, atuinnermut procenti 97,71 procentimiissaaq taamaaliornikkullu Maniitsumi ingerlatsineq missingersuutaasut iluanni inissisimalluni.

Level1	Bevilget Budget 2023	Omlacering er 2023	Tillægsbevillinger 2023	Nyt Budget 2023	Forbrug 2023	Relativt Forbrugs 2023 %	M: Forbrugs %	M: Rest Budget for 2023	M: Prognose 2023	M: Budget MerForbrugs 2023
☐ Teknik Udvalg	19.971.376	0	1.040.511	21.011.887	16.302.355	103,45 %	77,59 %	4.709.532	21.736.474	724.587
☐ Teknik Maniitsoq	19.971.376	0	1.040.511	21.011.887	16.302.355	103,45 %	77,59 %	4.709.532	21.736.474	724.587
☐ 563030800 - MAN Drift TEKNISK	13.588.314	-1.155.253	300.000	12.733.061	9.038.720	94,65 %	70,99 %	3.694.341	12.051.627	-681.434
☐ 563010000 - MAN Teknik og Miljø Stab	3.488.049			3.488.049	2.124.295	81,20 %	60,90 %	1.363.754	2.832.393	-655.656
☐ 563030300 - MAN Forbrændingsanlæg	2.456.368		507.629	2.963.997	2.541.760	114,34 %	85,75 %	422.237	3.389.013	425.016
☐ 563030100 - MAN Brædtet		1.155.253		1.155.253	1.114.031	128,58 %	96,43 %	41.222	1.485.374	330.121
☐ 563030700 - MAN Renovation	438.645		282.882	721.527	1.508.017	278,67 %	209,00 %	-786.490	2.010.690	1.289.163
☐ 563030500 - MAN Arealtildeling	0		-50.000	-50.000	-24.467	65,25 %	48,93 %	-25.533	-32.623	17.377
Total	19.971.376	0	1.040.511	21.011.887	16.302.355	103,45 %	77,59 %	4.709.532	21.736.474	724.587

Sisimiuni Maniitsumilu qatserisartoqarfii

Qatserisartoqarfik 73,35 procentimik atuiffiuvoq, qatserisartoqarfik nalinginnaasumik 3,2 mio. kr patsisaalluni atuinikiffiusarpoq.

Sisimiuni qatserisartunut akissarsiat 700 t. Kr. atuinikinneruffiupput, pikkorissaasoqareerneratali kingorna tamakkerlutik atorineqarsimanissaat naatsersuutigineqassaaq. Qatserutit pisiarinqartussat suli akilerneqanngitsut, 2 mio. kr. nalillit akilereernerani ukiup naanerani atugassat tamakkerneqarnissaat naatsersuutigineqarsinnaavoq.

Teknikkeqarnermut ataatsimiititaliap oktober-ip 5-ni 2023 ataatsiminnerani 07/2023 oqaluuserisassat

Level1	Bevilget Budget 2023	Omlaceringer 2023	Tillægsbevillinger 2023	Nyt Budget 2023	Forbrug 2023	Relativt Forbrugs 2023 %	M: Forbrugs %	M: Rest Budget for 2023	M: Prognose 2023	M: Budget MerForbrugs 2023
☐ Teknik Udvalg	9.033.425	0	4.146.363	13.179.788	7.448.512	75,35 %	56,51 %	5.731.276	9.931.350	-3.248.438
☐ Brandvæsen	9.033.425	0	4.146.363	13.179.788	7.448.512	75,35 %	56,51 %	5.731.276	9.931.350	-3.248.438
☐ 562040400 - SIS Beredskab Brandvæsen	5.642.117	200.000	3.690.478	9.532.595	4.603.522	64,39 %	48,29 %	4.929.073	6.138.029	-3.394.566
☐ 563030400 - MAN Beredskab Brandvæsen	3.391.308	-200.000	455.885	3.647.193	2.844.991	104,01 %	78,00 %	802.202	3.793.321	146.128
Total	9.033.425	0	4.146.363	13.179.788	7.448.512	75,35 %	56,51 %	5.731.276	9.931.350	-3.248.438

Sanaartornermik ingerlatsinerit

29-09-2023-mi sanaartornermut missingersuutini 46,4 mio. koruunit atorsimaneqalereerput, sanaartornermut missingersuutit 17,58 procentianik pivisunngortitsinerulluni.

Sisimiunut tunngatillugu 2023-mi septemberimi sanaartornermik atortulersuutinullu suliat angisuut killiffii tassaapput:

Sarfanguani illu tamatigoortumut entreprenøriusq akiliisinnaajunnaarsimavoq, naammassinissamut suliariumannittussarsiuussisoqareerpoq akikinnerpaamillu neqeroorusiortumik isumaqatigiissusiorneq ingerlavoq. Suliaq matoqqasumi saqqummiunneqassaaq.

Kommunip pilersaarusiortifigineqarnerani tapiliussami 19-imi sanaartorfissagissaaneq naammassineqarpoq asfalterneqarlunilu, sanaartorfissanut qinnuteqarnissaq piareerpoq.

Akiani Kommunip pilersaarusiortifigineqarnerani tapiliussaq 30 entreprenørinit suliarineqaleruttorpoq. Kuuffissuaq piareerpoq, imermut aamma innaallagissamut aqut kiisalu aqqusinermi qulliit suliarineqarput.

Ilinniartut ineqarfianni sanaartorfissagissaasoqarpoq, Nukissiorfiit ungasianit kiassarnermut aqqutinik pilersitsipput. Ungasianiit kiassarnermut aqutit matunearpata aqqusinermi qullilersuisoqassaaq. Berthelsenip Aqquataani Nasiffimmut aqquataata nalaaniittumi, Siimuup Aqquataani aamma Karl Sivertsenip Aqquataata nalaani kuuffissuarnik aserfallatsaaliineq nutaanillu kuuffissualiineq naammassivoq. Jaakunguaq Aqq. Kunuuteralaap Aqq. aamma Qivittoqarfimmi kuuffissualiinerit ingerlapput.

Kangerlussuarmi utoqqaat inissiaat marluk immikkoortoq 1 naammassivoq, nutserfigineqarsinnaapput. Kangerlussuarmi utoqqaat inissiaat immikkoortoq 2 ingerlavoq, sanaartukkat ikkersoreerput iluanilu sanaartorneq ingerlavoq.

Kommunip Illorput 2100-ni ineqarfiini Ini aqutigalugu uffarfiit natii taarsorneqarput.

Sisimiuniit imeqarfiup killeqarfia aqqusaarlugu Kangerluarsunnguup tulliup qinnguanut ATV-nut aqqummi immikkoortoq 2-mut entreprenørimit suliarineqarpoq. ATV-nut aqut kilometerinik afrineq-pingasunik takitigaaq oktoberimilu suliarinera ukiuunerani unitsinneqarallassalluni. Masarsoqarfiup nalaani aquttip naqqata aqitsortaa qaartiternerlukunik taarserneqarpoq, taamaalilluni Namminersorlutik Oqartussanit piumasaaqatigineqartoq VVM naammassineqassaaq.

Sisimiut – Kangerlussuaq ujaraaqqanik aqqusiniliornissamut siunnersuusiorneq ingerlavoq aamma nunap siammassissup naqqata qanoq issusaa misissorneqarpoq. Kangerluarsuk Tullikkut Kangerlussuaq tikillugu nunap isorartussusaanik drone atorlugu uuttuineq naammassivoq, nunallu assinga nutarterneqaleruttorpoq.

Kulturikkut illorsuaq Nipilersornermik Ilinniarfilerlugu Atuakkanilu atorniartarfilerlugu allilerneqarnera naammassivoq. Iluani iluarsilaagassat aamma qalissianik quleriit marluusunik ikkussuineq ingerlavoq. Nipilersornermik ilinniarfik aamma atuakkanik atorniartarfik ininut nutaanut nutsernikuupput pisatsersorlutillu aallartillutik.

Siusinnerusukut ilinniartut inaanni / Misi-allaffiani B-904-mi meeqqanut inuusuttunullu ulloq unnuarlu paaqqinnittarfik allilinnissaanut suliniummut suliariumannittussarsiuussinissaq sulissutigineqarpoq, Atugarissaarnermut immikkoortortamit suliniummut siunnersuut akuerineqarpoq.

Kommunip pilersaarusiortifigineqarnerani tapiliussassatut nr. 50-mi Nalunnguarfiup tasiata kujataani illuliornissamut sanaartorfissagissaaneq pillugu siunnersuisussarsiortoqarnikuuvoq, suliffeqarfik akikinnerpaamik neqeroorusiortoq atugassatut siunnersuusiuleruttorpoq.

Maniitsumi 2023-mi septemberimi sanaartukkanut atortulersuutinullu annertunerusunut tullinnguuttunut killiffik:

Ilaqutariinnut inerisaaviup quleriit marluusup inillu marluk meeqqat illuitut atorsinnaasulimmut pisattersuinissaq pillugu suliniummik entreprenørit nittarsaaffigineqarput, sulili entreprenørinik sulianik tiguisinnaasoqanngilaq.

Ungusivimmi sanaartorfissagissaaneq naammassivoq, aqqusiap naggataa kisimi asfaltigassaavoq.

Immikkoortumi inuussutissarsiorfeqarfimmi sanaartorfissagissaaneq (Immikkoortumi inuussutissarsiorfeqarfimmut aqut Atortulersuutit ilanngullugit) suliniutigineqarpoq, suliamulli missiliuteqarfiusut missingersuutinit qaffasinnerujussuupput.

Sarfanut aqut entreprenørimit suliarineqalerpoq.

Kangaamiuni atuarfimmik nutarterinissaq naammassillugu pilersaarusiorneqareerpoq sanaartornermilu suliassartaa entreprenørinut neqeroorusiassanngorlugu nassiuqqareerluni, entreprenørinilli sulianik tiguisinnaasoqanngilaq. Pujoorfissuaq entreprenøri Kangaamiuni Nukissiorfiit imeqarfianik suliaqariartornerminut atatillugu aamma peernikuuaa.

Kilaaseeraq Atuarfiup aserfallatsaalineqarneranut allilerneqarneranullu atatillugu atugassatut siunnersuut akuerineqarpoq, siunnersortillu suliniummut siunnersuut suliarileruttorpaa. Atuarfiup qaliata ussissarneqarnera entreprenørimit aasaq suliarineqarpoq.

Atammimmi inuusuttunut inissiat pingasut entreprenørimit suliarineqarput, inissiat matuneqareerput iluinilu sulineq ingerlavoq.

Unnuartuumut ataani kuuffissuarmik nutaamik Maniitsup kitaanut kuuffissualiorneq ingerlanneqarpoq. Illoqarfimmi bussisat nutaat qinnutigineqarput.

Bussinut inissiisarfissaq suliniutigineqareerpoq sanasunullu neqeroorutigineqarluni.

Sumiiffinni marluusuni, illuutit nutarterneqarnissaannut, sunngiffimmi sammisassaqaartitsinermut, avatangiisinik pitsanngorsaaniissamut kiisalu aalisartut piniartullu atugaannik pitsanngorsaaniissamut suliniissamut aningaasat atugassiissutit atorlugit ingerlaavartumik sanaartornermik suliat ingerlanneqarput.

Innersuussut

Teknikkeqarnermut Avatangiisinullu immikkoortortap Teknikkeqarnermut ataatsimiititaliamut innersuussutigaa:

Teknikkeqarnermut, Pilersuinermit Sanaartornermullu 2023-mi septemberimut qaammammut nalunaarussiaq akuersissutigineqassasoq.

Aalajangiineq

Akuerineqarpoq

Imm. 3.2 2024-mi akigititat, Teknikkikkut ingerlartsineq Pilersuinerlu

J.nr.: 06.01.01

Tunuliaqutaq

2024-mut missingersuutit akuerineqarnissaanut atatillugu kommunip ukiumut akigititai aalajangersarneqartussaapput, tassunga ilanngullugit sulianut nutaanut allannguuteqartunulluunniit akigititat. Teknikkimut Avatangiisinullu Immikkoortortap ataani akigititat Teknikkimut Avatangiisinullu Ataatsimiititaliamut atuupput, tassa teknikkikkut ingerlartsineq pilersuinerlu. Sullissinernut akiligassanik ingerlatitsisinnaarluni, akigititat ukiumut akigititani aalajangersarneqarsimassapput.

Maleruagassatigut tunngavissaq

Missingersuutininik akuersineq ilutigalugu akigititat akuersisutiginuqartussaapput, ukiumilu missingersuusiorfusumi atuutissallutik.

Pissutsit atuuttut

Tassani TAI ataani atuiffimmut akigititani allannguutissanut siunnersuutissanut tunngavissanik pilersitsisinnaasunut, akit oqaasertaliussassallu ataani ingerlanneqarput.

Ukioq manna akigititani allannguutissatut siunnersuummi pineqarput eqqagassalerineq, kiisalu eqqaavilerinermi anartarfilernermilu akigititat.

Ilangussaq 1-miittut tassaapput Kommunip 2023-mi akigititai, 2024-mut allannguutissatut siunnersuutitalit. Allannnguutit aappalaartumik allaqqasut tassaapput allannguutissatut siunnersuutit Teknikkeqarnermut Avatangiisinullu immikkoortortaqaqfimmitt pisariaqartutut nalilerneqartut.

Atuilluartuunissakkut kingunerisinnaasai

Akigititani sannaveqarfiutilinnut avataaneersunut akiliuteqartarnerup naligiissarneqartarnerinut, innuttaasut imaluunniit suliffeqarfiit ataasiakkaanit akitsuutit akilerneqartarnerinut isertitanut kommunip aningaasartuutai nalimmassarneqartariaqaraluarput, taamaalilluni innuttaasut eqqagassaqaqarnerinik annikilliliinissamut kajumissaarneqarsinnaassallutik.

Aningaasaqarnikkut allaffissornikkullu kingunerisinnaasai

Innersuussummi uani Qeqqata Kommuniani eqqagassalerinermut tunngasuvoq, tassa eqqakkanut pilersaarummi anguniarneqarmat eqqagassalerineq aningaasartuuteqarfiussanngitsoq, taamaalillunilu eqqagassalerineq eqqarsaatigalugu naleqarnerulersitsiffiusartut tamakkerlutik misissorneqassasut, immikkoortunit 562040400-mit – SIS Ikuallaavik aamma 562040700-mit - SIS Eqqagassalerineq, 563030300-mit – MAN Ikuallaavik aamma 563030700 – MAN Eqqagassalerineq, ingerlanneqartartunit. Qeqqata Kommuniani eqqagassalerinermut pilersaarutip aamma imermut errortuutikumut pilersaarutip politikkikkut akuerisaasuni anguniagaraat "mingutsitsisoq akiliissasoq", taamaammatt eqqagassalerineq tamarmi aningaasartuutaanngitsumik ingerlanneqassalluni. Isertitanut sanilliullugu aningaasartuutit tulluarsarneqarnissaat pillugu anguniakkat anguneqarnissaasa tungaanut, akigitanik ukiut tamaasa annerpaamik 10 procentimik qaffaasarnissamik aammattaaq kommunalbestyrelsi aalajangiinikuvoq.

Eqqagassalerinermut kiisalu eqqaavilerinermut anartarfilerinermullu akigititat qaffariaataat 1 mio. koruunit naligaat, taakkulu missingersuutininik siullermeerinninnermi aappasaaneerinninnermilu ingerlatsinermut missingersuutitigut qinnuteqaatinut ilaallutik.

Saviminikunut eqqasaggalerinermut akigititat naleqqussarneqartarput, taamaalillutik suliariumannittussarsiuussinermut isumaqatigiissutini aningaasaqarnikkut oqimaaqatigiillutik.

Naatsorsuuserivimmi sulinerup pisariillisarneqarnissaa anguniarlugu, angallatinik inissiinnermut kiisalu ataatsimoorussamik sannavimmut matuersaatinik tunniussisarnermi qularnaveeqquusiisarnerup peerneqarnissaa siunnersuutigineqarpoq.

Naatsorsuuserivimmi sulinerup pisariillisarneqarnissaa anguniarlugu lejrskolertitsisarnermut akigititat minnerusut allangortinneqarnissaat.

Allaffeqarfiup naliliinera

Innersuussutip uuma aamma eqqagassalerinerup aningaasartuutaanngininssaa eqqarsaatigalugu kommunip eqqagassanut pilersaarutaa eqquutsippaa aamma eqqagalerinermi aningaasartuutit matussuserniarlugit 10 procentimik qaffaasoqarnissaa siunnersuutigalugu. Akigititanik qaffaasarnermut atatillugu kommunip ingerlatsisarneranut tamanna ingerlanneqarluni. Siunissami Esanip ikuallaavissaa atorneqarlerpat akigititassat eqqarsaatigalugit, Esanimik oqaloqateqareernerup kingorna 2024-mi naleqqussarneqarsinnaasussanik pissutsit allarlunnaat atuutilissapput. Allatut oqaatigalugu, ukiumi missingersuusiorfiusumut 2024-mut akigititassanik nutaanik suliarinninnissaq eqqarsaatigalugu naleqqussaanerit nutaat atorfissaqartinneqartussaapput.

Aningaasartuutit ingerlatsinerumut attuumassuteqartut nutaat matussusiiffigiumallugit matumani nunaqarfinit eqqakkanik assartuisarneq ilanngullugu, taamanikkornissaata tungaanut periutsini malillugu akigititani Qeqqata Kommuniata qaffakkiartortittariaqarpai.

Innersuussut

Teknikkeqarnermut Avatangiisinullu ataatsimiititaliamut, aningaasaqarnermut ataatsimiisitaliamut kingornalu kommunalbestyrelsemut innersuussutigineqarpoq, 2023-mut akigititassatut siunnersuut akuersissutigineqassasoq:

Eqqaavilerinerumut anartarfilerinermullu akigititat 10 %-imik qaffanneqassasut

Eqqagassalerinerumut akigititat 10 %-imik qaffanneqassasut.

Saviminikunik eqqagassalerinerumut akigititat pingasoriaatinngortinneqassasut.

Umiatsiaaqqanik inissiinnermut qularnaveeqqut peerneqassasoq

Sullissisernut nutaanut upalungaarsimanerup iluani akigititanik nutaanik ilanngussisoqassasoq

Illuni sullissivinni unnuisarneq ullormut 80 koruununut qaffanneqassasoq

Lejrskolertarfiup attartortinneqartarnera kommunimit aqqissugaanngitsunut atuutilersinneqassasoq

Lejrskolertarfimmi meeqqat atuarfianut unnuisarnermut akigititaq peerneqassasoq

Aalajangiineq

Taasisitsineq:

Innersuussummut akuersisut

Nivi H. Eframsen (IA), Aqqalu skifte (S), Karl Lyberth (N)

Innersuussummut akuersinngitsut

Barnabas Larsen

Oqaaseqaatit: Barnabas Larsen-ip kissaatigigaluarpaa eqqaavilerinermut anartarfilerinermullu akigitat 5%-imik qaffanneqassasut, Kommunalbestyrelse qanittumi kommunip attartortillugit inissiaataanut akigitat qaffanneqaqqammermata, innuttaasullu akinik qaffaanermik eqqorneqarnerat annertugigamiuk.

Karl Lyberth, Nivi H. Efraimsen aamma Aqqalu Skifte akuersipput, eqqakkanut pilersaarummi anguniarneqartoq tassa eqqagassalerinermi aningaasartuutit oqimaaqatigiittut anguniarneqarnissaat kissaatigineqarmat

Ilanngussaq

1. 2024-mut akigititassatut siunnersuutit

Imm. 3.3 Imermut errortuutikumut maleruaqqusaq nutaaq imermillu errortuutikumut akiliisitsisalnissamik atuutsitsilerneq

Journalnr.

Tunuliaqutaq

2023-mut Akigititanik akuersissuteqarnermut atatillugu aalajangiunneqarpoq Qeqqata Kommunia 2024-mi januaarimiit imermut errortuivikumut akigititamik atuutsitsilissasoq. Taanna Anartarfilerisarnermut, anartarfinnut imikumullu maleruaqqusamik 2016-imeersumik, imikumik akiliisitsinissamat ukiumoortumik naatsorsuisarnermik allannguinnissamik kiisalu akiliisitsisarnermut maleruaqqusamik atuutsitsilerneq pisariaqartitsivoq.

Teknikkeqarnermut ataatsimiititaliap 2/6-23-mi ataatsimiinnerani Anartarfilerisarnermut, anartarfinnut imermullu errortuivikumut maleruaqqusassat nutaatut siunnersuut (*Imermut errortuivikumut maleruaqqusaq*) akuersissutigineqartoq maannakkut Namminersorlutik Oqartussani Inatsiseqarnermut immikkoortotami akuersissutigineqarnikuvoq. Taanna ilanngussaq 1-itut inaarutaasumik akuersissutissannorlugu saqqummiunneqarpoq. Ilutigitillugu ilanngussaq 2-tut akiliisitsisalnissamat maleruaqqusaq attuumassuteqartoq ilanngussatullu 3-tut imermik errortuivikumik akigititap tunuliaqutaanik naatsorsuineq saqqummiunneqarpoq.

Maleruagassatigut tunngavissaq

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersaq.
- Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-meersaq.
- Qeqqata Kommunianut Imermut errortuivikumut maleruaqqusaq 24. november 2016-meersaq.
- Kommunit illeqqoreqqusat pillugit Namminersorlutik Oqartussanit malittarisassat 28. april 2023-meersut.

Pissutsit atuuttut

Qeqqata Kommuniata 2021 – 2026-mut Imermut errortuivikumut pilersaarutaata malitsigissavaa, inoqutigiinnut, pilersaaruseriorfigineqarnerata ingerlanerani pisortat kuuffissuinit attavilersinneqarsimasunut ukiumut akiliuteqartitsisarnep atuuutilerana. Pilersaarut malillugu kuuttsiveqarfinni ingerlatsinermut aserfallatsaaliqarnerinullu taamatullu inoqutigiit/suliffeqarfiit/paaqqinnittarfiit ukiumut aningaasartuutaasartunut tamakkiisumik ilaannakortumilluunniit agguataarineq tunngavigalugu aammalu pilersaarut malillugu – akiliut – 482 koruuniussaaq. Pilersaarummittaaq allaqqavoq, akiliut ukiumut missingersuutit pillugit isumaqatiginninniarternut atatillugu aammalu akiliutissanik aalajangiinarnermut atatillugu akiliutissaq ukiut tamaasa aqqissuunneqarqittassasoq, taamatullu akiliutaasussaq kommunip Imermut errortuivikumut maleruaqqusaani takuneqarsinnaassasoq, taamaattumik akiliutip atuuutilersinneqarnerani maleruagassaq iluarsarneqassaaq.

Tamanna tunngavigalugu Imermut errortuivikumut maleruaqqusat 2016-mi novembarimeersut allannguuteqarput ima,

- Imermut errortuivikumut isortumut nalunaarummi § 14 naapertorlugu, kuuttsisinnanermut akuersissutinut malinnaatitsilluni, Immikkoortoq 19-mut illumiit imikoorummik kuuttsisarneq naleqqussarneqarpoq.
- Imermik errortuivikumik pisortat kuuffissuinit atassusertinnissamat akiliut Immikkoortoq 12. 1-mut ikkunneqarpoq.
- Kommunit kinguneqartitsisinnanermut periarfissaat naleqqussarneqarput, taamaalilluni Imermut errortuivikumut nalunaarummi §§37-miit 46-mut nuunneqarluni.

Tamakku saniatigut Avatangiisinut Naalakkersuisoqarfimmiit inatsisitigut teknikkikkut piumasaaqatitatut akigititanut assingusumik akiliisitsisarnermut maleruaqqusamik suliaqartoqarpoq imermut errortuivikumut attuumatillugu kommunip akigititaanik tamanik imaqartumik. Akiliisitsisarnermut maleruaqqusaq tamanut saqqummiunneqassaaq ukiumoortumillu kommunalbestyrelsimit tulluarsarneqartassaaq.

2024-mut imermut errortuivikumut akigititamik naatsorsuinerneq tunngavissuq ilanngussaq 3-mit malinneqarpoq. Inoqutigiit/suliffeqarfiit/meeqeriviit kuuffissuarmut atassusersimasut amerlassusaat

12

ataqatigisillugu kuuffissuarnik ingerlatsinermit aamma aserfallatsaaliinermit ukiumut aningaasartuutit aallaavigalugit 2024-mut imermut errortuivikumut akit aallaaveqarput. Naatsorsuineq aammattaq Sisimiuni pisortat kuuffissuaataannut attavilersissimasunik imermik atuineq pillugu Nunatta Naatsorsueqqissaartarfianit paasissutissanik ilalerlugu illut amerlassusaannik kisitsinermit aallaaveqarpoq. Tassunga ilanngunneqassaaq allaffissornermit aningasartuutini 10 procenti. Taamaalilluni imermut errortuutikumut akigititaq inissiamut ataatsimut 357 koruunimik annertussuseqassasoq siunnersuutigineqarpoq, pisiniarfinnut kiffartuussivinnullu 690 koruunit, atugassanut ullormut 1.428 koruunit aamma atugassanut ulloq unnuarlu sulisoqartunut 2.856 koruunit.

Maleruaqqusaaq Kommunalbestyrelsimit akuerineqassappat borgmesterimit atsiorneqassaaq elektroniskitaalu Nunalerinermit, Imminut pilersornermit, Nukissiuteqarnermit Avatangiisinullu naalackersuisoqarfimmu nassiunneqassaaq. Imermut errortuivikumut akigititanik nutaanik akiliisitsisarnissaq pillugu atuisut allakkatigit ilisimatinneqassapput, siunnersuutigineqarporlu atuisoq pinnagu illu ataaseq malinneqarnissaa. Taamaaliornikkut assersuutigalugu nuunnermi allaffissornermi aningaasartuuteqaaqqinnissaq pinngitsoortinneqassaaq. Naggataatigit akiliisitsisarnermit maleruaqqusaaq kommunip nittartagaani tamanut saqqummiunneqassaaq.

Atuilluartuunissakkut kingunerisinnaasai

Akisussassuseqartumik ullutsinnut tulluurtumik imermik errortuivikulerinermit ilaatigit maleruagassanut atuuttunut piumasaqaatinullu kommunimi maleruaqqusanik atuutitsissaaq. Kommunip kuuffissuit aqputaannik pilersitsinissaq salliunnikuuaa imermillu errortuivikumik akigititamik atuisut akiliuteqartarnissaat isumaqarpoq, kommunip ingerlatsineranut tassanngalu aserfallatsaaliinermit aningaasanik pilersitsisoqassasoq. Taamaalilluni annerusumik aningaasartuutaassanngilaq.

Aningaasaqarnikkut allaffissornikkullu kingunerisinnaasai

Imermut errortuivikumut maleruagassani allanguut, siunissami pisortat kuuffiutaannik ingerlatsinermit aserfallatsaaliinermullu aningaasartuutininut assinganik kommunip akileeqqusisinnalissammat. Ilutigitillugu ukiumoortumik akiliisitsinermit allaffissornerup annertunerulernissaanik pisariaqartitsisoqassaaq.

Allaffeqarfiup naliliinera

Maleruaqqusamik allannguneq, akigititamik naatsorsuineq aamma akiliisitsisarnissamut maleruaqqusamik suliaqarneq imermik errortuivikumut ukiumoortumik akigititamut akiliisitsisarnissamut pisariaqarpoq. Kuuffissuarnik ingerlatsinermit aserfallatsaaliinermilu kommunip atortagaanit akigititaq qaffasinnerunngilaq taamaalillunilu akuerissaasinnaasut iluanniilluni.

Innersuussut

Teknikkeqarnermut avatangiisinullu immikkoortortap Teknikkeqarnermut Ataatsimiititaliamut, Aningaasaqarnermut ataatsimiititaliamut Kommunalbestyrelsimullu innersuussutigaa:

Anartarfilerisarnermut, anartarfinnut imikumullu maleruaqqusamut nutaamut allannguat akuersissutigineqassasoq, Imermut errortuutikumut akigititatut aalajangersagaq akuersissutigineqassasoq, aamma Akiliisitsisarnissamut maleruaqqusaaq akuersissutigineqassasoq.

Aalajangiineq

Akuerineqarpoq

Ilanngussaq

1. Anartarfilerinermut, anartarfiit imaannik kiisalu imermik mingunnikumut eqqaanermut maleruaqqusaq nutaaq.
2. Imermut errortuivikumut akiliisitsisarnermut maleruaqqusaq
3. Imermik errortuutikumik akigitamik naatsorsuineq pillugu allakkiaq

Imm. 4.1 Sisimiuni aqqusernit atii nutaat tallimat

Journalnr. 23.00.01

Tunuliaqutaq

Sisimiuni illoqarfiup ineriartornerani aqqusernit nutaat atsersorneqarput. Tassunga atatillugu aqqusernit nutaat tallimat atserneqassapput. Aqqusernit nutaat illoqarfimmi siammasissumi immikkoorput. Uani pineqarput Akiani A30-mi najugaqarfik nutaaq, inissiat nutaat - aamma centereqarfik A26 aamma C15 akiani, Ineqarfik nutaaq A53 Qiviarfiup Eqqaavimmullu Aqq. akornaniittoq, aqqusineq nutaajunerusoq suliffeqarfimmiittoq B8.2-mi mittarfeqarfimmu qanittumiittoq kiisalu qimmeqarfiup tungaanut kuup tungaanut aqqut.

Maleruagassatigut tunngavigisaq:

Aqqusernit atii pillugit Inatsisartut inatsisaat nr. 17, 27. Nobember 2018-imeersoq

Aqquserngit aqqi, katersuuffiit aqqi aqqutissiallu aqqi, najukkat aamma inoqarfiit immikkoortuanut tapiliussatut taaguutit pillugit Namminersorlutik Oqartussat nalunaarutaat nr. 38, 9. august 2021-mersooqllanngussaq

Pissutsit atuuttut

Aqqusernit nunap assingani ilanngunneqartumi ilanngussaq 1-imi takuneqarsinaasutut, aqqusernirmi nutaami taaguusersuinissaq amigaataavoq.

Sanaartornermut Avatangiisinullu immikkoortortaqaqarfiup Sivdleq aqqutigalugu innuttaasunik siunnersuisitsinikuuvoq, 20-nillu siunnersuusiortoqaarsimavoq ilanngussaq 2 naapertorlugu.

*() Siunnersuisitsisoq kinaassutsiminik isertuussivoq isaasani atiata kodea

Aqqusineq 1: Siunnersuutit tallimat:

1. *Tupaarnat (A)*
2. *Inequ (B)*
3. *Tiggaliaq.*
4. *Nuannaariarfiup qulaa. (D)*
5. *Qaqqamut (E)*

Vej 2: Siunnersuutit pingasut

1. *Qassusertarfinnguup qulaa (F)*
2. *Umiatsiaaqqanut aqqut. (D)*
3. *Ammut (E)*

Aqqusineq 3: Siunnersuutit tallimat:

1. *Umiivitsiap ataa (F)*
2. *Piitarsuup aqqutaa. (G)*
3. *Qaqqarsunnguit (H)*
4. *Iilumaap aqq. (D)*
5. *Nuisariaq (E)*

Vej 4: Siunnersuutit pingasut

1. *Mittarfitoqqap kangia (F)*
2. *Mikisuluk (B)*
3. *Alanngua (E)*

Aqqusineq 5: Siunnersuutit sisamat:

1. Laarseqqap aqputaa (G)
2. Tulluartoq (B)
3. Aqqusinertaarsuup T-ia. (D)
4. Kuussuaq (E)

Aningaasaqarnikkut allaffissornikkullu kingunerisinnaasai
Soqanngilaq

Qullersaqarfiup oqaaseqaatai
Annertunerusumik oqaaseqaatissaqanngilaq

Allaffeqarfiup naliliinera
Aqqusernit atissaanut siunnersuutit takkuttut Pilersaarusionermut immikkoortortaqarfiup misissuataareerpai, matumuuna politikikkut unnersuussutigineqassapput naliliiffigineqarlutillu siunnersuisup siunnersuutaa Ilanngussaq 2-miittoq aallaavigalugu.

Innersuussut

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut kingusinnerusukkullu Kommunalbestyrelsemut innersuussutigivaa:

- Qulaani aqqusernit atii akuersissutigineqassasut aammalu aqqusernit atii pineqartunik skiltilersukkat atuutilersinneqassasut.

Aalajangiineq

Matumuuna aaliangiiffigineqarpoq atuutilersinneqarlunilu ataani allaqqasoq:

Aqqusineq nr. 1 aqqusernit atia atuutilersinneqarpoq: Tupaarnat iml. Nuannaariarfiup qulaa

Aqqusineq nr. 2 aqqusernit atia atuutilersinneqarpoq: Qassusertarfiup qulaa

Aqqusineq nr. 3 aqqusernit atia atuutilersinneqarpoq: lilumaap aqputaa

Aqqusineq nr. 4 aqqusernip atia atuutilersinneqarpoq: Mittarfitoqqap kangia

Aqqusineq nr. 5 aqqusernip atia atuutilersinneqarpoq: Kuussuaq

Matumuuna aaliangiiffiqineqarpoq atuutilersinneqarlunilu ataani allaqqasoq:

Aqqusineq nr. 1 aqqusernit atia atuutilersinneqarpoq:

Aqqusineq nr. 2 aqqusernit atia atuutilersinneqarpoq:

Aqqusineq nr. 3 aqqusernit atia atuutilersinneqarpoq:

Aqqusineq nr. 4 aqqusernip atia atuutilersinneqarpoq:

Aqqusineq nr. 5 aqqusernip atia atuutilersinneqarpoq:

Ilanngussaq

Ilanngussaq 1 Aqqusermut nunap assinga

Ilanngussaq 2 Innuttaasunut siunnersuutit aqqusernit atii nutaat pillugit

ilannussaq 3 Innuttaasunik saaffiginnissut aqqusernit skiltianik amingateqarmata

Imm. 6.1 Maniitsumi Atuarfik Kilaaseeqqamik nutarsaanermut 2023-mi septemberimi killiffimmumut paasissutissiissut.

Journal nr. B-33, suliniut 500032.

Tunuliaqutaq

Maniitsumi Atuarfik Kilaaseeqqamik nutarsaanermut Teknikkeqarnermut ataatsimiititaliap aamma Ilinniartitaanermut ataatsimiititaliap aqutsisoqatigiupput. Ulloq 14.8.2023 TA-p ataatsimiinneranni kingornalu IA-p ataatsimiinneranni atuarfiup nutarsarnissaanut atugassatut siunnersuut akuerineqarpoq. Taanna tunngavigalugu siunnersorti nutaamik suliniummi siunnersuusiussaaq. Sanaartornermut ataatsimiititaliap ataatsimiippoq ulloq 30.8. 2023 siunnersorti ilaavoq (Ilanngussaq 1). Una aqutsisoqatigiinnut paasissutissiineruvoq taakkulu oqaaseqaateqarnissaannut septemberimi killiffimmumut nassuiaataalluni.

Maleruagassatigut tunngavissaq

Karseqarnermut naatsorsuuserinermullu malittarisassat. TA sanaartornermut immikkoortumut akisussaasuvoq, IA-lu ilinniartitaanermut immikkoortumut akisussaasuulluni, Namminersorlutik Oqartussaniillu ataatsimut tapiissuteqarnikkut, atuarfinnik nutarterinissat kommunitumut tunniunneqarluni.

Pissutsit atuuttut

Atuarfiup qaliata ussissarneqarnera entreprenørimit suliarineqarpoq. Iluarsartuussinermut aningaasartuutit tassunga atuarfimmik nutarterinermut suliniut 500032 atornagu suliniut 500003 illunuk nutarsaanermut aningaasaliissutinit akilerneqarput.

Pilersaarusiortluni ataatsimiinneq nr. 6 ulloq 30.8.2023 ingerlanneqarpoq, taassuma imaqaarniliaa ilanngussaq 1-uvoq. Atuarfiup siunissami pilersaarusiortluni ataatsimiinnermi sinniisussaq toqqassavaa. Atuarfimmik sanaartornermi ataatsimiititaliami sinniisut aqaniliusunit arlallit paasisitsipput ingerlatsinermi peqataarusugatik. Ataatsimiinnermi arlallit peqataagaangata aamma akunnerpaaluit atorineqartarput.

Ulloq 30.8.2023 ataatsimiinneq tunngavigalugu siunnersortip atugassatut siunnersuut akuerineqartoq atorlugu suliniutinik siunnersuutinik, tassaniilluni ikuallattuulernermi periusissamik ersersaanermik ingerlataqarpoq.

Atuarfimmik nutarsaanermut nittartagaq 25.7.2023 nutarterneqarpoq ilaatigut atugassatut siunnersuut ilanngunneqarluni, tassani innuttaasut atuisullu oqaaseqaatinik takkussaqaarnissamut periarfissaqarlutik.

Atuilluartuunissakkut kingunerisinnaasai

Atuarfimmik sulisunut atuartunullu pitsaasumik sulinermi avatangiisinik kommuni pilersitsippat atuilluartuunerussaaq.

Aningaasaqarnikkut allaffissornikkullu kingunerisinnaasai

Atuarfitsialaap piumasaqaataanut atuisullu kissaataannut atugassatut siunnersuutip iluarsineqarnissaa aasaanerani unittooqqalaarnikuuvoq, taamaattumik pilersaarusiortluni sulinissamut piffissatut pilersaarut qaammattialunni kinguaattooqqalluni. Taamaattorli neqeroortitsinermi atortussat naammassineqarsinnaassasut suli naatsorsuutigineqarpoq, taamaalilluni sanasunut neqeroortitsineq 2024-p upernaavani pisinnaalluni.

Teknikkeqarnermut Avatangiisinullu ingerlatsiviup kiisalu ilinniartitaanermut ingerlatsiviup innersuussutaat

Allaffeqarfiup Teknikkeqarnermut ataatsimiititaliamut aammalu Ilinniartitaanermut ataatsimiititaliamut innersuussutigaa:

Septemberimi killiffik eqqartorneqassasoq pilersaarusiornermullu killiffik tusaatissatut tiguneqassasoq,

Aalajangiineq

Akuerineqarpoq

Ilanngussaq:

Ilanngussaq 1. 30.8.2023. pilersaarusiornarluni ataatsimiinnermit imaqarniliaq

Tamalaat

Barnabas Larsen: Sanaluttarfik kangaamiuni rødkorsimit attartorneqarsinnaagaluartoq, suliaq sumut killippa? Killiffik emailkkut allaffeqarfimmit akissutigineqassaaq.

Aqqalu Skifte: Sissuivitoqqap avataani ruujoreq puttaannartoq. Maniitsumi ruujorit immamut atasut arlallit atorunnaanikut piigassaapput. Aqqartartunik piiaasinnaasunik tikittoqarpat suliarineqassapput.

Sissuivitoqqap nunaminertamik pilersarusiornera sorliua? allannguutit nunaminertamik pilersarusiornermut tunngasut politikkikkut akuerineqassapput, akuersisoqassappallu illup allamut atorneqarsinnaanera akuerineqarsinnaassaaq.